

# Sò di quelli

Sò di quelli ch'anu tracciatu  
Un chjassu fattu di spartera  
Omi di passione sincera  
Incù u stintu indiatu

Sò di quelli ch'anu stantatu  
A ricchezza di quessa terra  
Da fà ch'un si pianti a sfiera  
Di u nostru tempu beatu

Sò d'una leva ch'un si tace  
Incù u spiritu tenace  
È più ch'è mai sò capace  
À tessè l'avvene di pace

Sò di quelli ch'anu alzatu  
Aldilà di ogni fruntiera  
A voce eppò a bandera  
Di un populu smisuratu

Sò di quelli ch'anu speratu  
Incù a faccia alta è fiera  
In un mondu di gioia vera  
È di rispettu tramandatu

Sò d'una leva ch'un si tace  
Incù u spiritu tenace  
È più ch'è mai sò capace  
À tessè l'avvene di pace  
Sò di quelli...